

### ԻՆՆԵՐՈՐԴ ՏԱՂԱՇԱՐՔ

Ա .

Այտոյ չեմ ի գար ի քեզ, շատ չարկամ ունիս, կու վախեմ:  
Դու ալ շամաթա կ'անես ու գիտես թէ հետ քեզ խըռով եմ.  
Թէ գան տան հազար կարմիր, քո մազէչ մազ մի չիփոխեմ.  
Յետ քեզի խըռով կենամ, հաշտ հեղի ո՞ւմ երթամ զըրուցեմ:

Բ .

Կանչեմ ու այան կանչեմ, ալամէ իսկի չամաչեմ.  
Ուր գտնում ի հոն պագնեմ, սիրու տէր եմ ես, չիվախեմ.  
Երթամ ի գատիկ մտնում, ի պարոնն իջնեմ զըրուցեմ,  
Մտնում եւ մէկ խօսք մ'ասեմ, զիս ու զիմ տարըն խալիսեմ:

Գ .

Մահալլովդ ի վար կուգ'ի, զայս հայրենս ես քեզ կու ասեմ.  
Թէ այէն ի քուն ես դու, հանց ասեմ որ հասկըցնեմ:  
– Յոգե՛կ, դու զայդ ինձ կ'ասես, ես արթուն ու զայդ կու լըսեմ:  
Այդ քո չարկամիդ ծոցըն կու տապիմ ու ճար մը չունիմ:

Դ .

Այս աստընւորիս վըրայ քանի քո ձայնիկըդ կուգայ,  
Այլ աւազանի ծընունդ չիսիրեմ երբ ըզքեզ ասեմ.  
Մեռնիմ 'ւ ի յանդէնն երթամ, քեզ ի հոն տանիմ թէ կարեմ,  
Ի յանանցական հըրոյն զիս դեմ տամ ըզքեզ խալիսեմ:

Ե .

Գիշերս ես ի քուն էի, քունս ի ներս սրտիկս երեցաւ,  
Եկին ու խապար բերին՝ Զո սիրած տարն ըզքեզ մոռցաւ:  
Մանկտի՛ք, ձեր արե՛ն ասեմ, լըսեցի՜ լեզուս կարպեցաւ.  
Արցունքս ի յերես ի վար ջուր կ'երթար՝ նա արիւն դարձաւ:

Զ .

Զո սիրուդ մըտիկ արի, զէտ ըզնետ ի չարիսէն ելաւ.  
Ես անմեղ կանգնած էի, եկաւ իմ սիրտըս գամուեցաւ:  
Մանկտի՛ք, ձեր արեւն ասեմ, աս նետիկս ի յիս եղաւ.  
Շուտով դեղ ու ճար արեք, որ չասեն թէ անկի մեռաւ: